

守雅堂稿輯存四卷

戊寅二月

守雅堂稿輯存

國瑞署



博古圖已蒙

慨允 頌如先生處

手札望即付下為妙 幸此順候

日安石一

愚弟邢澍

思亭先生閣下

序一

清代甘肅人士康熙初以武功顯者趙良棟王進寶諸人是也中葉以後以經術文學著者有武威張介侯階州邢佺山伏羌王心如諸先生介侯早登巍科高步玉堂及出宰江西未久以請終養歸畢生著述傳世最顯心如先生亦少負文名值咸同陝甘回亂贊助戎幕保薦縣令仕秦有聲及老告歸享年八十不廢著作先生宰富平時余以兩世知交縣試蒙拔案首獎勵有加至今感念不忘佺山先生在兩先生之前游宦較介侯爲久而耆年歸田又同心如師然當乾隆中葉海內承平士生其間者經史文業各著所長佺山著作今可考者約十五六種交游可知者錢竹汀可廬阮芸臺洪北江孫淵如章實齋皆一時聞人弟子張叔未爲金石專家是海內皆知佺山矣乃自歸里

後學說不傳近百年來其姓氏幾無知者名山闕寂繼起
無人大可哀已天水馮君仲翔治學勤矣徧究鄉邦文獻
始知其生平又傷其著作散佚博考羣書爲守雅堂稿輯
存四卷余受而讀之乃知西北邊鄙非無好學獨立之士
以文采見世奈風氣所囿汨沒於名利場中者多而專心
於學術中者少宜佺山沒後聲銷響絕也又況道咸以後
中原多故以介侯之博雅寄居西安傳述無人又何疑於
佺山耶佺山佚著中今幸有關右經籍考諸書尚有存本
不難刊行矜式鄉邦至心如先生著作儻可搜羅當謀授
梓余雖衰老必竭棉力以報師門佺山事蹟已詳是編余
不復贅茲讀一過敬爲數言以質仲翔丁丑十月富平張

鵬一識

序二

守雅堂稿輯存四卷天水馮君仲翔輯其鄉先輩階州邢
佺山先生散佚之文也近世目錄學興采輯佚書輒爲風
氣凡八史經籍存目無書漢魏以來真僞淆混之著學者
窮求冥搜得單條斷句綴衲成編見於叢書者此類甚多
顧於現實史料晚近遺文或湮沒而弗傳或熟視若無睹
泥古薄今之敝殆非一日矣仲翔嘗爲余言佺山先生之
淹雅近以輯存四卷見眎翻讀數四其學行大端均有可
表彰者隴上遠處西陲因阻於山川宥於帖括求與海內
通人交遊切磋者殊不多覩佺山先生獨精考據金石史
地表志之學一時鴻碩大師若阮芸臺錢竹汀輩皆獲遍
交掣討著述上下議論今讀其文集訂文史者俱見湛深
獨到之思考輿地者率有創獲不刊之論在乾嘉諸賢中

不愧爲卓然大家豈僅爲西北一隅之學者哉仲翔所輯之著述考其專集多至十餘種余讀其跋晉書束皙傳知尚有晉書辨惑之作竹汀先生盛稱之存佚惜不可知今據輯存四卷亦可見其學術之梗概而仲翔網羅放失之功亦不可沒矣佺山先生服官吾浙垂廿餘年賢士大夫皆重其人其流風善政至今稱之官長興最久捐俸興築諸役備載方志廉吏之風足爲坊表其教澤所播久而彌彰章實齋與先生書所云民思茲土士念明師非溢美之辭昔余承乏隴上喜其俗之醇篤而隴南學風至今稱最未始非先生啓牖之力今讀是編故欣然爲之序民國二十七年四月紹興邵力子於漢口

序三

往讀漢及諸家史竊嘆隴右文學聯肩接踵承傳弗替抑何其郁郁然也蓋自漢侯瑾覃思著述徵聘不起作傳論以譏當時嗣是後魏闕駟志十三州劉昫著三史略辛馥爲三傳經說楊謙之修涼書隋辛德源注法言宋繪註王隱晉書胡方回段承根均有造述方策俱在固未易一二數也遼金雲擾衣冠南遷關隴宗風於焉掃地清代鴻博設科四庫開館鴻儒碩學雲蒸江介而隴上獨闐寂寡聞豈知當此之時卽有邢階州其人爲孫淵如洪北江畏友承侯瑾闕駟之遺徵開武威隴南之簞路蔚然爲樸學大師乎顧乃志宏遇嗇學豐命蹇門下乏侯芭之彥遺書無陳農之求著書十種半多不傳居僻山邑傳亦不遠居今且少人過問再彌歲年恐姓氏亦無人知矣勤一世以事

著述其身一逝書卽不傳並其名亦泯泯焉不亦大可惜
也哉馮君仲翔天水之耆學人也博極羣籍尤勤文獻搜
缺拾殘爲守雅堂稿輯存而問序於余余因略述西州儒
學之彥殿以佺山以闡幽潛而式隴士昔鄧湘皋爲楚寶
增輯曾文正序之嘆爲地下達人之所託命仲翔此舉豈
非佺山之命之所託哉烏虜盛已抑吾聞歸熙甫云吳中
文學稱盛者尊宿常殷勤以接後進後進亦竭力以表前
賢故學術淵源遠有承傳非他郡之所能及今關西藝文
諸志佺山旣輯於前矣仲翔仿玉函例又輯存佺山之佚
隴右文化其將日進而益上而永永弗歇益盛歟至書之
內容孫洪諸集屢及之蓋其言皆足徵信後世矣長安孫
蔚如

序四

考證之學盛於清代而以嘉道之際爲最精其間樸學大師卓然成家者蓋不可以僂數而秦隴之人寥寥焉余夙好聚書尤於考據家言輒喜涉獵因是而尋求善本而研討目錄於西北得二人焉曰武威張介侯曰階州邢侗山然於秦仍無與也武威所著書其已刊行者如養素堂詩文集如二酉堂叢書等流傳尚廣余幸得而寓目矣階州則祇知其目未見其書歲戊寅與天水馮君仲翔同在長安孫公幕薄書之暇輒討論古今學術而於元明以來西北文物之漸卽衰敝恆不勝其感慨會仲翔以守雅堂稿輯存屬爲任錡校之役受而讀之於佺山先生之學之事略可窺其涯際固甚幸事也仲翔博學擅詞章有志著述其輯是書也廣搜博訪幾歷歲年迨書成而中日之戰起

或勸付梓而仲翔若尚有所待者余從而有說焉倭寇處
心積慮謀我國家匪第圖逞一時也彼其所爲直欲毀吾
文物斬吾命脈以陷吾於萬劫不復之境是故敵踪所至
毀滅之不足恆並圖書重器捆載以去夫兩國兵交殺傷
盈野糜費萬萬而敵人之所欲所毀乃於此而特多焉則
我之所以自爲者當無待於抉擇矣抑吾族立國五千年
中經兩度衰亡而卒復故物者以其有崇高之文化也目
今倭禍方張兵精器銳強弱相懸而勝算必操在我者恃
其民族固有之精神也凡茲數義盡人而知而顧所謂精
神與文化苟不求之於先民載籍又安所從來是可知學
人報國之道而仲翔努力搜輯之勤爲不虛矣至於佺山
先生之學之瞻博精審與夫政事文章之旣善且美讀其
書者自可以資師法而溉餘潤末學如余抑豈能盡其高

深也哉時中華民國二十七年六月岐山馮炳奎星垣序
於長安寄廬

序五

暴敵飛擊清華大學於長沙之日余方邀天水馮君仲翔訂吾家叢書第三集仲翔適以所輯守雅堂稿見示嗟乎人之阨我國家民族之必先喪斯文也如此其亟也而我承學之士建國以來二十年乃猶號以疑古信古自別於數典也果何爲哉階州邢侗山先生生乎百餘年之前著書十六七種當時刊行不過三之一今惟訪碑錄屢見覆刻流傳坊間其餘若存若亡遺稿颺失鄉里食其教澤後生且不能舉其名北方學者一代大師而猶若是其泯泯也嘉道陝甘兵燹之烈禍漠然徒見山高而水深侗山先生淡泊寡營及身而藏書以散則其手畢叢殘可聞而不可見也亦宜文獻無徵雖有杞宋何裨殷夏異日有人指禹契爲非我族類以矜其學而不憚自誣以蔑典藉寇兵守雅堂稿輯存

而資盜也又何誅焉乃仲翔不恤五六年力勤於其鄉先輩佚文必欲旁蒐遠紹叢抄之於北平而得守雅堂文與南游詩復檢諸同時輩流所著述撷其片詞寸簡審其交游蹤蹟纂之爲事跡與著述考其用心抑何遠也一人一地一時一事之微曾何預乎史迹然必爲之薈萃考訂縱貫橫編以成其信今而傳後昔賢所以貴小史而唐書所爲不可磨滅者其仲翔之志乎彼以吾唐孕育之文爲其質者旣沐近代之學自飾其文則欲迫喪吾文以稱霸也誠無足異吾獨異乎抱殘守缺並乾嘉學者之不知而傲然於新文史也仲翔是輯其存存已風雨如晦而吾書亦成相視亦有慰於衷者抑亦相勵之資也歟民國二十七年六月扶風溫天緯謹序

題詞

念奴嬌 題守雅堂稿輯存用白石韻

景志伊

辛農

關西學子到乾嘉誰似西傾樵侶師法曝書講漢宋試較
名山無數賜葛堂前傲山樓後賞徧澧川雨晴雲歸晚草
堂猶有題句 日暮燒劫餘灰賓游屐碎收拾蕭蕭殘去此
日海桑塵又見難得遺珠還浦烽火連天劍摧書燼遙想
青山住榛苓能約上龍江之回路

守雅堂稿輯存目次

階州邢澍著

天水馮國瑞輯

序

傳

卷一

事蹟考

著述考

卷二

文集

卷三

詩集

後序

詩補

卷四

雜俎

桓上草堂松林讀書二圖題詠錄

鑑止亭翰墨錄

考定謝太傅徙葬事題詠錄

清儀閣酬唱錄

顧渚春遊圖題詠錄

更生齋寄贈錄

箬溪書院雅集圖題詠錄

讌遊寄贈錄

章實齋與邢會稽書

錢辛楣孔耳石題名

後序

天木齋圖卷四